



PROGRAMAS DE BIBLIOTECAS PÚBLICAS MUNCIPAIS 2010-2011

➤ 1 **Presentación**

- Servizos
- Automatización e informatización das bibliotecas.
- Catálogos dos fondos bibliográficos

➤ 2 **Actividades de Promoción da lectura**

- Encontros con escritores/as
- Talleres de ilustración e banda deseñada
- ***“A lectura, esa gran viaxe”***. XX Campaña de promoción da lectura
- Visitas guiadas á Biblioteca Central Rialeda
- ***“Mil primaveras máis”***. Homenaxe a Álvaro Cunqueiro no centenario do seu nacemento 1911 / 2011
- ***“Alma déixate estar”***. Contos de tradición oral
- Celebración de datas conmemorativas:
 - Día Internacional da Muller Traballadora
 - Día Internacional do Libro Infantil e Xuvenil
 - Día do Libro
 - Día das Letras Galegas
- Guías de lectura e recomendacións bibliográficas
- Hora do conto, narración de contos e contacontos
- Talleres de lectura e tertulias literarias
- Ler para saber

● **SISTEMA DE BIBLIOTECAS PÚBLICAS MUNCIPAIS**

M^a Luz Corral Uzal

Bibliotecaria municipal

m.corral@oleiros.org

Teléfono: 981 639 511


Fax: 981 639 996

O Sistema de Bibliotecas Públicas Municipais do Concello de Oleiros está formado por unha Biblioteca Central, situada en Perillo e sete bibliotecas auxiliares localizadas en Santa Cruz, onde está instalado o Centro de Documentación da Muller Rosalía de Castro, Oleiros, Mera, Dorneda, Nós, Lorbé e Montrove.

Posúen, en total, 463 postos de lectura en sala, un fondo bibliográfico duns 128.196 fondos bibliográficos, 6.125 documentos audiovisuais, 2.657 sonoros, 893 electrónicos, 325 títulos distintos de publicacións periódicas abertas e 36 ordenadores para consulta pública e gratuíta con acceso a Internet, Microsoft Office, lector de CD-ROM, CD, DVD e 13 impresoras para utilizar as persoas usuarias, para servir a unha poboación de 34.390 habitantes (datos do 19-10-2010), distribuída en nove parroquias.

Todas as bibliotecas teñen Wi-Fi, polo que as usuarias e os usuarios tamén poden utilizar os seus ordenadores portátiles e conectarse a Internet de forma gratuíta.

Se comparamos o número de habitantes do Concello co total de libros comprobamos que os 128.196 volumes equivalen a 3,7 libros por habitante, o que nos sitúa por riba da media de Galicia.





Biblioteca Central Rialeda

Creada no ano 1986, e trasladada no ano 1998 para o edificio Rialeda, catalogado como patrimonio histórico-artístico municipal. É de estilo modernista racionalista, construído polo arquitecto Rafael González Villar no ano 1912 e restaurado por alumnos/as da Escola Taller, entre os anos 1995-1998.

Consta duns 700 m², distribuídos en catro plantas e aula de actividades: no soto atópase o fondo bibliográfico de préstamo, na planta baixa o servizo de información e préstamo, o catálogo, a sala infantil e xuvenil e a hemeroteca, no 1º andar a sala de lectura e consulta de adultos e o fondo local e no 2º andar a sala da audiovisuais e informática.

- Posúe 172 postos de lectura, 46.770 libros, 4.433 documentos audiovisuais, 1.701 sonoros, 518 electrónicos, 168 títulos distintos de publicacións periódicas abertas, 6 periódicos e 12 ordenadores para a consulta pública e gratuíta con acceso a Internet, Microsoft Office, lector de CD-ROM, CD, DVD e impresoras. Ten Wi-Fi.



■ Avda. Rosalía de Castro, 227 A
15172 Perillo

Teléfono: 981 639 511 - Fax: 981 639 996

m.corral@oleiros.org

biblioteca.rialeda@oleiros.org

Biblioteca Pública Municipal e Centro de Documentación da Muller Rosalía de Castro

A Biblioteca Rosalía de Castro de Santa Cruz consta duns 171 m². Debido a que está instalada na planta baixa do centro cultural, usa diversos espazos deste centro: o teatro que ten cabida para 130 espectadores/as e é onde se realizan os encontros con escritores/as, conferencias, etc. e unha sala anexa, duns 37 m², que se utiliza para realizar a actividade da Hora do conto, talleres de lectura e talleres de ilustración e banda deseñada.

- Posúe 78 postos de lectura, 21.154 libros, 394 documentos audiovisuais, 283 sonoros, 73 electrónicos, 95 títulos distintos de publicacións periódicas e 6 ordenadores para a consulta pública e gratuíta con acceso a Internet, Microsoft Office, lector de CD-ROM, CD, DVD e impresoras. Ten Wi-Fi.



■ Centro cultural As Torres.
Rúa Emilia Pardo Bazán, 17
Santa Cruz - 15179 Liáns

Teléfono: 981 626 338

biblioteca.santacruz@oleiros.org

Biblioteca Pública Municipal M^a José Trincado


- Posúe 45 postos de lectura, uns 14.468 libros, 450 documentos audiovisuais, 150 sonoros, 96 electrónicos, 65 títulos distintos de publicacións periódicas e 4 ordenadores para a consulta pública e gratuíta con acceso a Internet, Microsoft Office, lector de CD-ROM, CD, DVD e impresoras. Ten Wi-Fi.



■ A Lagoa (Urb. Pía de Maianca) - Rúa Curros Enríquez, 44
15177 Mera - Teléfono: 981 628 50 - biblioteca.mera@oleiros.org

Biblioteca Pública Municipal Manuel María

- Consta duns 109 m² distribuídos en dúas plantas: unha para sala infantil e xuvenil e a outra para sala de adultos e hemeroteca, 44 postos de lectura, 9.962 libros, 134 documentos audiovisuais, 97 sonoros, 23 electrónicos, 30 títulos distintos de publicacións periódicas e 3 ordenadores para a consulta pública e gratuíta con acceso a Internet, Microsoft Office, lector de CD-ROM, CD, DVD e impresoras. Ten Wifi.



■ Rúa Camilo Díaz Baliño, 1
15173 Oleiros - Teléfono: 981 610 700
biblioteca.manuelmaria@oleiros.org

Biblioteca Pública Municipal M^a José Ruso

- Posúe 47 postos de lectura distribuídos en sala infantil, sala xuvenil, sala de adultos e hemeroteca, 9.705 libros, 213 documentos audiovisuais, 85 sonoros, 58 electrónicos, 58 títulos distintos de publicacións periódicas e 4 ordenadores para a consulta pública e gratuíta con acceso a Internet, Microsoft Office, lector de CD-ROM, CD, DVD e impresoras. Ten Wi-Fi.



■ Parque Nicolás Redondo. Rialta - Arillo
15178 Dorneda - Teléfono: 981 626 638 - biblioteca.dorneda@oleiros.org



Biblioteca Pública Municipal Ánxel Fole

- Ten 30 postos de lectura, 9.230 libros, 317 documentos audiovisuais, 129 sonoros, 47 electrónicos, 46 títulos de publicacións periódicas e 2 ordenadores para a consulta pública e gratuíta con acceso a Internet, Microsoft Office, lector de CD-ROM, CD, DVD e impresoras. Ten Wi-Fi.



■ Casa do Pobo. Praza da Liberdade, 1.
15176 Nós - Teléfono. 981 664 257 - biblioteca.nos@oleiros.org

Biblioteca Pública Municipal Xograr Mendiño

- Posúe 20 postos de lectura, 8.983 libros, 239 documentos audiovisuais, 107 sonoros, 36 electrónicos, 37 títulos distintos de publicacións periódicas e 2 ordenadores para a consulta pública e gratuíta con acceso a Internet, Microsoft Office, lector de CD-ROM, CD, DVD e impresoras. con acceso a Internet, Microsoft Office, lector de CD-ROM, CD, DVD e impresoras. Ten Wi-Fi.



■ Casa do Pobo. Rúa do Golfiño, 38 - Lorbé
15177 Dexo - Teléfono: 981 618 201
biblioteca.lorbe@oleiros.org

Biblioteca Pública Municipal Federico García Lorca

- Posúe 27 postos de lectura, 7.924 libros, 309 documentos audiovisuais, 105 sonoros, 42 electrónicos, 50 títulos distintos de publicacións periódicas e 2 ordenadores para a consulta pública e gratuíta con acceso a Internet, Microsoft Office, lector de CD-ROM, CD, DVD e impresoras. Ten Wi-Fi.



■ Casa do Pobo. Avda. Rosalía de Castro, 56 - Montrove
15179 Liáns - Teléfono: 981 639 515 - biblioteca.montrove@oleiros.org



SERVIZOS:

O acceso é libre e gratuíto.

Nas salas de lectura todos os fondos están en acceso directo, polo que calquera persoa pode coller o libro que desexe para consultalo ou lelo dentro da biblioteca. Para levalo en préstamo deberá ser socio/a dalgunha das oito bibliotecas municipais, para isto só necesita cubrir un impreso e xa se lle realiza a tarxeta de lector/a. Desta forma pode levar prestados para a casa un máximo de 3 libros + 2 materiais audiovisuais (CD, DVD, CD-ROM etc.)

Os servizos que ofrecen son:

- 463 postos de lectura e consulta en sala.
- Información bibliográfica e de referencia.
- Servizo de Referencia, Xeral, Galicia, Infantil, Xuvenil e Local.
- Servizo de consulta en sala de:
Libros, materiais bibliográficos e publicacións periódicas.
Documentos audiovisuais. Documentos sonoros.
Documentos electrónicos.
- Consulta OPAC (Catálogo Compartido da Rede de Bibliotecas de Galicia).
- Préstamo a domicilio de libros, publicacións periódicas e materiais especiais (DVD, CD, CD-ROM, discos de ordenador...).
- Préstamo interbibliotecario.
- Préstamos colectivos a centros de ensino.
- Actividades de promoción da lectura e de extensión cultural.
- Hemeroteca.
- Formación de usuarios/as.
- Publicacións de guías de lectura, boletíns bibliográficos etc.
- Solicitudes de adquisicións e desideratas.
- Reprografía: 1 fotocopiadora de uso público (de pagamento por moedas) na Biblioteca Central Rialada, en Perillo.
- 35 ordenadores para consulta pública e gratuíta con acceso a Internet, Microsoft Office, lector de CD-ROM, CD, DVD e impresoras.
- Wi-Fi
- Acceso á base de datos en liña.

Automatización e informatización das bibliotecas. Catálogo dos fondos bibliográficos

O catálogo dos fondos bibliográficos pode consultarse na páxina web da Rede de Bibliotecas de Galicia:
<http://bmpg.rbgalicia.org/oleiros>

A páxina web é a do propio Concello www.oleiros.org na que hai unha sección titulada **Bibliotecas Municipais**. Nela poden consultar o catálogo ou informarse das distintas actividades e servizos.

Tamén poden visitar o noso blog: <http://bibliotecasoleiros.blogspot.com>



Encontros con escritores/as

Descrición:

Encontros literarios con escritores e escritoras, para dar a coñecer e promover aos nosos autores e autoras e as súas obras.

Obxectivos:

- Poñer en contacto ao lectorado co autor ou autora dun xeito ameno e creativo.
- Descubrir a forma de escribir dos distintos profesionais.
- Presentar e dar a coñecer distintas obras e autores/as.
- Animar á lectura das súas obras.

Datas:

Meses de febreiro a xuño e de outubro a decembro.

Destinatarios/as:

Dependendo de cada autor/a e das obras lidas realizaranse encontros para as distintas idades tanto na Biblioteca Central Rialeda como no Centro Cultural As Torres de Santa Cruz (Biblioteca P. Municipal e Centro de Documentación da Muller Rosalía de Castro de Santa Cruz) para o alumnado de primaria, ESO ou bacharelato dos centros de ensino que os soliciten, para as persoas integrantes dos talleres de lectura e para o público en xeral.



Talleres de ilustración e banda deseñada

Descrición:

Con esta actividade preténdese dar a coñecer diferentes ilustradores/as galegos/as.

Realizaranse talleres de ilustración ou de banda deseñada a través dos cales os nenos, as nenas e os adolescentes poidan coñecer os distintos tipos de ilustracións ou que aprendan os aspectos básicos do cómic.

Obxectivos:

- Aprender diferentes técnicas de ilustración e banda deseñada.
- Fomentar a creatividade e a imaxinación.
- Promover a lectura de obras de banda deseñada.
- Que observen e analicen as diferentes ilustracións que aparecen nos libros.

Datas:

Meses de febreiro a xuño e de outubro a decembro.

Ilustradores/as:

Contrataranse ilustradores/as en función das programacións cos centros de ensino.

Destinatarios/as:

Realizaranse talleres na Biblioteca Central Rialeda e na Biblioteca Pública Municipal e Centro de Documentación da Muller "Rosalía de Castro" de Santa Cruz para os cursos de primaria ou ESO que o soliciten.





“A LECTURA, ESA GRAN VIAXE”

XX Campaña de promoción da lectura nas Bibliotecas Públicas Municipais.

O tema no que se vai basear a Campaña deste curso é “As viaxes”. Traballaranse libros de ficción, nos que as autoras e autores tratasen a temática das viaxes ou expedicións, pero tamén libros de relatos, poesía, folclore, lendas, historias e tradicións de diferentes países, que nos acheguen a outras sociedades e a diferentes culturas.



Descrición:

O gusto e o amor pola lectura non é innato, aínda que nesta se atopen condicións e medios de desenvolverse a persoa. A aprendizaxe do/a neno/a que non se sente inclinado a ela, esixe ás veces un verdadeiro esforzo, polo que os distintos entes educativos e culturais, como son neste caso as bibliotecas, debemos promover o gusto pola lectura, xa que se trata dun medio indispensable para adquirir cultura. Debemos traballar por despertar unha sensibilidade que faga descubrir o pracer que pode proporcionar a lectura dun bo libro, que os/as nenos/as e mozos/as vexan que tamén se poden divertir lendo, mostrar a diversidade que existe nos libros, onde se pode encontrar todo tipo de información, segundo os intereses e afeccións de cada individuo.

Emprendemos este curso unha nova Campaña de promoción da lectura co fin de que o alumnado dos centros de ensino público deste Concello adquiran gusto pola lectura e amor polos libros, así como que coñezan algunhas das bibliotecas municipais para que as visiten e utilicen no horario en que non permanecen nos respectivos centros de ensino.

Datas:

De febreiro a xuño e de outubro a decembro.

Obxectivos:

- Coñecer algunhas das bibliotecas do Concello de Oleiros.
- Potenciar a asistencia ás bibliotecas municipais, non só como lugar de estudo e consulta, senón tamén como centros de lectura lúdica.
- Espertar o gusto pola lectura, de forma que vexan os libros como algo ameno, cos que poden pasar bos momentos ao mesmo tempo que se instrúen e amplían os seus coñecementos.
- Achegarnos pola vía da animación aos sectores menos dados á lectura, a aqueles nenos/as, adolescentes e mozos/as que non senten ningún interese por esta.
- Favorecer procesos de creación e expresión oral e escrita.
- Fomentar unha lectura lúdica, crítica e reflexiva que os faga pensar e reflexionar como cidadáns/as máis libres e solidarios.
- Vivir o libro en colectividade, enriquecéndose cunha lectura activa e participativa.
- Promover a reflexión nos diferentes axentes educativos sobre a importancia da lectura como un enriquecemento individual e colectivo.
- Incidir na importancia dos libros de contos, narracións e historietas no desenvolvemento da imaxinación e creatividade dos nenos/as, adolescentes e mozos/as.

Lugares de realización:

- Biblioteca Central Rialeda en Perillo
- Biblioteca P. Municipal e Centro de Documentación da Muller Rosalía de Castro de Santa Cruz
- Biblioteca P. Municipal Manuel María, en Oleiros

Monitorado:

Contratarase monitorado específico para cada actividade.

Destinatarios/as:

O alumnado dos centros de ensino público do Concello de Oleiros, desde os 2 anos de educación infantil ata 6º curso de ensinanza primaria.



ACTIVIDADES:

En función das necesidades e da programación de cada centro realizaranse actividades específicas para os distintos cursos que o soliciten:

- **Presentación da biblioteca e explicación do seu funcionamento.**
- **Contacontos e cancións.**
- **Narración ou dramatización de contos, a través dun enfoque lúdico e dunha vivencia activa cos libros.**

- **Contacontos da Compañía Trinke - Trinke**
- **Contacontos de Pablísimo**
- **Contos do mundo a cargo de Paula Carballeira**

“¡¡¡ Preparados listos XA!!! A volta ó mundo en menos dunha hora” a cargo de Artestudio Teatro, coa narración de Ramiro Neira e música de Manuel Clavijo (voz, guitarra e violín)

Concerto didáctico no que se mesturan cancións e contos infantís de todo o mundo.

Viaxe polos continentes con cancións e contos propios de cada continente: comézase cunha canción de presentación das Illas Hawai, partimos para Oceanía onde xogaremos coas cores, cos números e coas letras a través dunha canción de Nova Celandia, marcharemos para Asia onde deberemos resolver un misterio, nun abrir e pechar de ollos xa estaremos en Europa onde cantaremos tres cancións moi coñecidas, en África recibiremos a un rei cantando unha canción que se escoita nas aulas de Kenya, para rematar en América.



Visitas á Biblioteca Central Rialeda

Descrición:

Con esta actividade preténdese ensinar a Biblioteca Central Rialeda, para que o alumnado a utilice fóra do seu horario escolar.

Obxectivos:

- Coñecer a Biblioteca Central Rialeda.
- Presentar a páxina web municipal e o blog das bibliotecas.
- Aprender a realizar buscas no catálogo.
- Fomentar o uso do libro e a lectura.

Destinatarios/as:


Realizaranse visitas para todo o alumnado que o soliciten dos diversos centros, pero recoméndanse preferentemente para alumnas/os de 5º e 6º de ensinanza primaria e 1º e 2º de ESO.

Datas:

Meses de febreiro a xuño e de outubro a decembro.

ACTIVIDADES:

- **Presentación**
- **Explicación do funcionamento da biblioteca**
- **Páxina web e blog**
- **Como buscar libros a través do catálogo?**
- **Contacontos “Feirantes” a cargo do actor e contador de contos Ramiro Neira**
- **Contacontos realizado a partir da adaptación dalgún relato da obra Os outros feirantes de Álvaro Cunqueiro.**



“MIL PRIMAVERAS MÁIS”

Homenaxe a Álvaro Cunqueiro no centenario do seu nacemento 1911 / 2011

Descrición:

Con estas actividades preténdese realizar un homenaxe ao ilustre escritor galego Álvaro Cunqueiro no centenario do seu nacemento 1911/2011.

A súa obra é unha das máis ricas e imaxinativas da literatura galega, con recreación de figuras e mitos e a incorporación de elementos populares e técnicas propias da oralidade, cun gran dominio da lingua galega e un estilo impecable.

Datas:

Meses de febreiro a xuño e de outubro a decembro.



Obxectivos:

- Homenaxear ao insigne escritor Álvaro Cunqueiro.
- Fomentar a lectura das súas obras.
- Que coñezan algún dos seus relatos.

Destinatarios/as:

Alumnado de ensinanza primaria e ESO, que o soliciten desde os centros de ensino.

ACTIVIDADES:

“CEN ANOS DE MAXIA”: a cargo da actriz e contadora de contos Soledad Felloza.

Realizará contacontos e diversas actividades baseadas na obra **Merlín e Familia** de Álvaro Cunqueiro.

Dispón de tres formatos:

- Un máis sinxelo para nenas e nenos menores de 8 anos.
- Outro para nenos/as de 8 a 12 anos.
- Un terceiro para adolescentes, no que presenta unha selección de contos, crónicas, textos gastronómicos e obras de teatro.

“FEIRANTES”: a cargo de Artestudio Teatro.

Contacontos nos que adaptan e interpretan relatos da obra de Álvaro Cunqueiro **Os outros feirantes**.

Dispoñen de dous formatos: un dirixido ao alumnado de 5º e 6º de primaria e outro para o alumnado de ESO.



“ALMA, DÉIXATE ESTAR”

Contos de tradición oral.

Descrición:

Romeiros do alén, almanaque de encantos e contos de tradición oral.

Datas:

Meses de febreiro a xuño e de outubro a decembro.

Destinatarios/as:

Alumnado de ESO e bacharelato, que o soliciten desde os centros de ensino.

Obxectivos:

- Promover a lectura de libros de lendas, folclore, contos populares e de tradición oral de Galicia.
- Favorecer procesos de creación e expresión oral e escrita.
- Fomentar o uso do idioma galego.



Celebración de datas conmemorativas

- 8 de marzo, día Internacional da Muller Traballadora
- 2 de abril, día do libro Infantil e Xuvenil
- 23 de abril, día do Libro
- 17 de maio, día das Letras Galegas

■ Día Internacional da Muller Traballadora (8 de marzo)

Descrición:

Conmemoración do Día Internacional da Muller Traballadora.

Destinatarios/as:

Nenas, nenos, adolescentes e adultos/as.

Datas:


Mes de marzo.

Obxectivos:

- Dar a coñecer o Día Internacional da Muller Traballadora e a súa importancia.
- Reflexionar sobre temas e libros relacionados coa muller.

Actividades:

- Realización de exposicións bibliográficas na Biblioteca Central Rialeda e na Biblioteca Pública Municipal e Centro de Documentación da Muller Rosalía de Castro de Santa Cruz.
- Conferencias sobre temas relacionados coa muller.
- Encontros con autoras galegas.





■ Día Internacional do Libro Infantil e Xuvenil (2 de abril)

Descrición:

Conmemoración do Día Internacional do Libro Infantil e Xuvenil.

Datas:

Semanas posteriores ao día 2 de abril.

Obxectivos:

- Presentar obras de Andersen.
- Presentar obras de autores/as que recibiron o Premio Andersen.
- Dar a coñecer autores/as e obras infantís e xuvenís, principalmente de literatura infantil e xuvenil galega.
- Promover a lectura entre os nenos, as nenas e adolescentes.
- Difundir libros infantís e xuvenís que hai nas bibliotecas.
- Aumentar o coñecemento sobre autores/as e ilustradores/as infantís e xuvenís.

Destinatarios/as:

Nenas/os e adolescentes desde 2 a 16 anos.

Actividades:

- Exposición de obras de Andersen.
- Exposición de obras de autores/as que recibiran o Premio Andersen.
- Exposición de obras de literatura infantil e xuvenil de autoras/es galegos.
- Encontros con autoras/es galegos de literatura infantil e xuvenil.
- Realización de diversas actividades de animación á lectura relacionadas con obras de Andersen ou de autores/as que recibiran o Premio Andersen.
- Contacontos para nenas e nenos.



■ Día do Libro (23 de abril)

Descrición:

Conmemoración do Día do Libro.

Datas:

Mes de abril.

Destinatarios/as:

Adolescentes, mozos/as e adultos/as.

Obxectivos:

- Presentar obras de Cervantes.
- Dar a coñecer obras e escritores/as que recibiron o Premio Cervantes.
- Promover a lectura entre os adolescentes, mozos/as e adultos/as.
- Difundir obras de creación literaria que hai nas bibliotecas.
- Aumentar o coñecemento sobre diversos escritores/as.

ACTIVIDADES:

- Exposición de diversas edicións da obra de *El ingenioso hidalgo Don Quijote de la Mancha*.
- Exposición de obras de Cervantes.
- Exposición de obras de autores/as que recibiran o Premio Cervantes.
- Realización de diversas actividades de promoción da lectura:

"LAS INGENIOSAS DEL HIDALGO: El Quijote en voces de mujeres"

Descrición:

A actriz e contacontos Soledad Felloza relata neste espectáculo varios monólogos curtos nos que se dramatizan diferentes personaxes femininos da obra de Cervantes. Narra diversos capítulos de *El Quijote* nos que as mulleres teñen certo protagonismo:

Quiteria, que en plena voda con Camacho o rico, lembra o seu amor a Basilio, o pobre.

A pastora Marcela, na que destaca o seu discurso co que finalizaba as charlas cos seus namorados.

Claudia Jerónima Cervantes, na que está personalizada a liberdade da muller, con límites tan amplos nos que cabe un erro tan grave como a morte.

Datas:

Realizaranse actuacións nos meses de febreiro a abril.

Obxectivos:

- Promover a lectura do magnífico libro *El ingenioso hidalgo Don Quijote de la Mancha*.
- Difundir a obra de Miguel de Cervantes Saavedra.

Destinatarios/as:

Para alumnado de 1º e 2º de bacharelato dos institutos que o soliciten.



“UNHA VIAXE POLA LITERATURA LATINOAMERICANA”

Descrición:

A actriz e contacontos uruguaia Soledad Felloza realiza un espectáculo no que presenta poesías e relatos de escritoras e escritores latinoamericanos.

Desde Gabriel García Márquez, Eduardo Galeano, Gabriela Mistral, Jorge Amado, Mario Benedetti, Julio Cortázar ata Mario Vargas Llosa.

Datas:

Realizaranse actuacións nos meses de febreiro a abril.

Obxectivos:

- Promover a lectura.
- Difundir a obra de escritoras e escritores latinoamericanos.

Destinatarios/as:

Para o alumnado de ESO e bacharelato dos institutos que o soliciten.



“DEIXA UN BICO NO ESPELLO”

■ Día das Letras Galegas (17 de maio)

Escritor homenaxeado no ano 2011:


Lois Pereiro.

Descrición:

Conmemoración do Día das Letras Galegas dedicado no ano 2011 a Lois Pereiro.

Datas:

Abril e maio.



Destinatarios/as:

Nenos/as, adolescentes, mozos/as e adultos/as.

Obxectivos:

- Difusión das letras e cultura galegas.
- Dar a coñecer a figura e as obras de Lois Pereiro.
- Lembrar obras e escritores/as aos que se lles dedícase o Día das Letras Galegas.
- Aumentar o coñecemento sobre diversos/as escritores/as galegos/as.
- Promover a lectura de libros galegos.

ACTIVIDADES:

- Exposición de fondos bibliográficos de ou sobre Lois Pereiro.
- Paneis informativos sobre a vida e a obra do homenaxeado.
- Exposición de obras de autores/as aos que se lles dedícase o Día das Letras Galegas.
- Realización de diversas actividades de promoción da lectura relacionadas coas Letras Galegas:

- Xoves, 28 de abril, ás 11.00 horas:

Conferencia sobre Lois Pereiro a cargo de Xosé Manuel Pereiro, irmán do homenaxeado, xornalista e decano do Colexio Profesional de Xornalistas de Galicia.

Concerto de poemas de Lois Pereiro musicados polo cantautor arxentino Manu Clavijo (voz, guitarra e violín).



Guías de lectura e recomendacións bibliográficas

Descrición:

Recomendacións de obras pola súa calidade literaria, artística ou científica, infantís, xuvenís e de adultos.

Relacións e recomendacións de libros por idades, temas ou contidos para difundir a súa lectura e tamén para suxerir como un bo agasallo. Descrición, fundamentalmente de libros, pero tamén de publicacións periódicas e doutros materiais (DVD, CD etc.), que nuns casos se ofrecen ás persoas usuarias como recomendacións e noutros como orientación sobre a vida e obras dun autor/a ou sobre un tema determinado.

Obxectivos:


- Recomendar libros de calidade literaria, artística ou científica para a súa lectura.
- Recordar que un libro tamén é un bo agasallo.
- Dar a coñecer as obras que hai nas bibliotecas municipais sobre un autor, autora ou tema determinado.

Datas:

- Mes de decembro: recomendación de libros para ler ou agasallar polo Nadal ou Reis.
- Mes de xuño: recomendación de lecturas para o verán.

Destinatarios/as:

Todas as idades.



Hora do Conto, narracións de contos e contacontos

Descrición:

Actividade que se realiza en todas as bibliotecas municipais, para nenas e nenos menores de 10 anos, a través da narración ou dramatización dun ou varios contos, cun enfoque lúdico e cunha vivencia activa e participativa cos libros.

É unha actividade que se desenvolve ano tras ano, como consecuencia do seu recoñecido valor lúdico e educativo, que reside, fundamentalmente, no incentivo á lectura dos máis pequenos. Ademais, as sesións dos contacontos teñen o valor engadido de que inciden no poder da imaxinación e na importancia da tolerancia nas relacións persoais.

Tomando como punto de partida a narración de contos e historias, a poesía, a relación pracenteira cos libros, o xogo coas personaxes de ficción, resáltase o valor da palabra xunto coa articulación de diferentes disciplinas artísticas: a plástica, a música, a expresión corporal, tendo en conta que en todas as historias aparece un mundo de imaxes, un mundo sonoro e un mundo de xestos e accións.

Para a nena e o neno pequeno a palabra oída exerce unha gran fascinación. O conto ou a poesía incorporan vivencialmente neles unha cultura que lle pertence, fano partícipe dunha creación colectiva e outórganlle signos de identidade. O libro oído, visto, tocado, como lectura compartida con outras nenas e nenos, axudaralle no seu contacto coa letra impresa, motivando unha lectura gozosa.



A Hora do Conto
nas Bibliotecas Públicas Municipais de Oleiros

"O libro, lugar onde dormen as historias que están esperando ser esperadas polas futuras lectoras e lectores".

- As contadoras e contadores Pablistino, Soledad Felloza, Fran Insua, Inés Cuadrado, Ramiro, Caxoto e a Compañía Trinke-Trinke cos "Ratos da biblioteca" narrarán diversos contos, como unha invitación a viaxar a un tempo máxico de fantasía e imaxinación.
- Todos os actos terán lugar ás 18:30 h. Os días festivos non haberá actuacións.
- A actividade está dirixida a nenas e nenos menores de 10 anos.

BIBLIOTECA CENTRAL RIALEDA. PERILLO Outubro: os xoves, días 21 e 28 Novembro: os xoves, días 4, 11, 18 e 25 Decembro: o xoves, día 2	BIBLIOTECA PÚBLICA MUNICIPAL "MANUEL MARÍA", OLEIROS Outubro: o martes, día 19 Novembro: os martes, días 2, 16 e 30	BIBLIOTECA PÚBLICA MUNICIPAL "ANXEL FOLE", NÓS Para a Hora do conto da Biblioteca P. Municipal "Anxel Fole" de Nós realizárase un folleto e unha programación especial.
BIBLIOTECA PÚBLICA MUNICIPAL "ROSALÍA DE CASTRO", SANTA CRUZ Outubro: os mércores, días 20 e 27 Novembro: os mércores, días 3, 10, 17 e 24 Decembro: os mércores, día 1	BIBLIOTECA PÚBLICA MUNICIPAL "M. JOSÉ TRINCADO", MERA Outubro: o venres, día 22 Novembro: os venres, días 5 e 19 Decembro: o venres, día 3	BIBLIOTECA PÚBLICA MUNICIPAL "FEDERICO GARCÍA LÓRCA", MONTEIRO Outubro: o martes, día 26 Novembro: os martes, días 9 e 23
	BIBLIOTECA PÚBLICA MUNICIPAL DE DORNEDA "M. JOSÉ RUÑO" Outubro: o luns, día 25 Novembro: os luns, días 8 e 22	BIBLIOTECA PÚBLICA MUNICIPAL XOGRAR MENDEIRO, LORBE Outubro: o mércores, día 27 Novembro: os mércores, días 10 e 24 Decembro: o mércores, día 1

Estas actividades de animación á lectura realizaranse de forma lúdica, activa e participativa, fomentando a imaxinación e a creatividade.


 ■ Biblioteca Central Rialda: 981 639 511
 ■ Teléfono do Veciño: 981 610 000


XUNTA DE GALICIA
 CONSELLERÍA DE CULTURA
 TURISMO


Concello de Oleiros
 ORGANISMO AUTÓNOMO MUNICIPAL DE CULTURA
www.oleiros.org

CATÁLOGO DO FONDO PUBLICITARIO
<http://bmop.rgplgala.org/oleiros>

Visita o noso blog:
bibliotecasoleiros.blogspot.com

Pretendemos introducir os nenos e as nenas no mundo dos libros a través dunha lectura que poidan comprender, que os faga gozar e divertirse, pero ao mesmo tempo que lles permita reflexionar, educando o seu sentido crítico a través dunha lectura recreativa que contribúa ao desenvolvemento da súa personalidade e o prepare para a vida.

**Obxectivos:**

- Que a nena ou neno non lector (ou pouco lector) descubra o libro e desenvolver nel o pracer de ler.
- Que a nena ou neno lector afiance o gusto e pracer pola lectura.
- Axudar a pasar da lectura pasiva á lectura activa.
- Axudar a descubrir a diversidade dos libros.

** Comprender, gozar e reflexionar son os tres principais obxectivos en que se vai basear esta actividade.*

Destinatarios/as:

Dirixida a nenas e nenos de 3 a 10 anos.

Datas:

Preténdese que, como máximo, dure uns 45 minutos de cada vez, para que as nenas e nenos máis pequenos non se cansen, dependendo do tamaño e duración de cada conto.

Levarase a cabo en todas as bibliotecas municipais. A realización é periodicamente durante todo o ano, dependendo do tamaño e do número de usuarios/as de cada biblioteca municipal. Realízase de febreiro ata finais de maio e de outubro a principios de decembro, diferentes días, segundo cada biblioteca, pero sempre ás 18.30 horas.



Talleres de Lectura e Tertulias Literarias

Descrición:

Consiste no comentario dun libro, fundamentalmente de xénero narrativo, pero tamén se procura ler teatro, poesía e ensaio. Este libro é facilitado, previamente, pola biblioteca ás persoas participantes para que o lean. Dependendo de como sexa o libro coméntase o argumento, recursos literarios, tema que trata ou con que está relacionado, etc. Unha monitora e o persoal da biblioteca dirixen a actividade facilitan material complementario (artigos de prensa, entrevistas, películas, bibliografías, etc.) para o seu desenvolvemento.

Pode complementarse a actividade cun encontro con algún escritor, algunha escritora ou algunha persoa especialista do tema que trate o libro.

O número máximo de participantes en cada sesión é de 20 persoas, debido a que hai que ter un libro para cada participante e non se mercan máis de 20 exemplares de cada título.

Xustificación:

É unha actividade totalmente libre, na que poden participar persoas mozas e adultas, onde se len ou comentan libros de diferentes autores/as.

Pretendemos animar a ler, gozar da literatura, como un desenvolvemento da capacidade de entender, valorar e gozar da creación literaria a través da lectura, de forma que compartindo ideas, reflexionando sobre temas diversos, analizando a propia visión do mundo, poidamos enriquecernos co punto de vista dos demais.

Preténdese ir descubrindo a forma de escribir de cada autor e autora, os distintos estilos, o tipo de linguaxe que utiliza, etc. Intentaremos aproximarnos ás diversas obras elixidas a través de diferentes niveis: estético, afectivo, intelectual, etc. e analizar os textos escritos, os procedementos e características máis importantes de cada obra.





Obxectivos:



- Promover a lectura e o uso da biblioteca, destacando que esta non só ofrece servizos ao estudantado, senón tamén a toda a poboación.
- Animar a ler, gozar da literatura, como un desenvolvemento da capacidade de entender valorar e gozar da creación literaria.
- Descubrir a forma de escribir de cada autor e autora, os distintos estilos, o tipo de linguaxe que utiliza, etc.
- Aproximarse ás diversas obras elixidas a través de diferentes niveis: estético, afectivo, intelectual, etc.
- Analizar os textos escritos, os procedementos e as características de cada obra.

Lugares de realización:

- Biblioteca Central Rialada (Perillo)
- Biblioteca Pública Municipal e Centro de Documentación da Muller Rosalía de Castro de Santa Cruz.

Destinatarios/as:

Mozos/as e adultos/as.



Grupos e temporalización:

Na Biblioteca Central Rialada (Perillo) hai dous grupos, de 20 persoas cada un, polo que as sesións son quincenais, os mércores (non festivos), ás 17.30 h (cunha duración de dúas).

Na Biblioteca Pública Municipal e Centro de Documentación da Muller Rosalía de Castro de Santa Cruz as sesións tamén son quincenais, os luns, ás 18.30 horas (cunha duración dunha hora e trinta minutos).

Comeza a principios de outubro e non se paraliza ata mediados de xuño do ano seguinte, que hai un descanso polas vacacións estivais.

Ler para saber

Descrición:

Charlas científicas e obradoiros dirixidos a nenas e nenos a partir de 10 anos, adolescentes e público en xeral.

Son charlas divulgativas que permiten concretar conceptos e ideas básicas e solucionar dúbidas a todas aquelas persoas que desexen compartir a curiosidade e o interese polos temas da ciencia.

Obxectivos:

- Achegar a ciencia aos nenos/as, adolescentes e público en xeral.
- Ampliar o coñecemento de diversos temas científicos de importancia na vida diaria.
- Fomentar o coñecemento específico dunha materia determinada.
- Dinamizar os fondos bibliográficos de coñecementos.
- Promover a lectura de libros e a visión de audiovisuais relacionados coa temática das diferentes charlas.
- Atraer á biblioteca un público interesado por estes temas.

Temporalización e realización:

Realízase na Biblioteca Central Rialeda, principalmente nos meses de febreiro ata finais de maio, os venres ás 18.30 horas. Comeza a principios de outubro e non se paraliza ata mediados de xuño do ano seguinte, que hai un descanso polas vacacións estivais.

Destinatarios/as:

Nenas e nenos a partir de 10 anos, adolescentes e público en xeral.

